

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

Paragraphvs III. De personis instituendis.

---

[urn:nbn:de:hbz:466:1-74485](#)

## Sectio I. Caput III.

institutio invalida valido edito : citar pro hoc Rotam. Item intelligenda sunt, dum editum & subsequens institutio sunt valida; si enim institutio fuisset invalida; puta, quia precipitata, vel facta contra mentem fundatoris, non esset attendenda; nec ullum praestaret impedimentum, quod minus veniens post elapsum terminum editi, & subsequam talem invalidam institutionem praesentare posset. Similiter edito existente nullo, inde quoque inficeretur institutio, res proorsus reputaretur adhuc integra, & deberet admitti, qui se opponeret. Lott. num. 54. & 55.

## PARAGRAPHVS III.

## De Personis instituendis &amp;c.

**Questio 193.** Quandonam in potestate institutoris sit gratificari uni ex praesentatis pra. alio?

1. Respondeo primò: aliter non est locus gratificationi, quād dum vota sunt aequalia. Lott. l.2. q. 11. num. 134. juxta text. c. cūm autem de jure patronatū.

2. Respondeo secundò: ex pluribus praesentatis ab eodem patrone & quē dignis liberum est institutori instituere, quem maluerit. Castrop. cit. d. 2. p. 9. num. 1. Barb. de potest. Episc. p. 2. alleg. 72. num. 199. juxta cit. c. autem, & à tali gratificatione non datur appellatio. Corrad. l.4. c. 6. n. 56. citans Fusc. de visita. l.2. c. 10. num. 3. Vivian. l. 10. c. 4. num. 9. Lott. l.2. q. 51. num. 47. cūm, ut Lott, talis gratificatione pendeat à libera facultate Episcopi. Idem dicendum videtur, nimurum quod institutor gratificari possit uni ex pluribus & quē dignis præsentatis aequaliter, seu in aequali numero suffragiorum à diversis patronis; sic supponunt Lott. loc. cit. Corrad. & Castrop. & exp̄s̄ tenet Less. cit. c. 34. n. 33. contra Pirh. ad tit. de jurep. n. 100. ubi ait: nequidem in hoc casu postle instituti etiam digniorem; eo quod neutra præsentatio sit valida; cum ad validam præsentationem requiritur, ut facta sit à majori numero patronorum, & ut in discordia præsentatus non solum majoribus adjuvet meritis, sed etiam plurim approbetur consensu, juxta cap. quoniam; Posse tamen adhuc uni præ altero gratificari in hoc casu, si patroni ab initio convenienter, præsertim sub juramento, se non variatueros, nec alium præsentatueros.

3. Respondeo tertio: dum ex aequaliter præsentatis, five ab uno, five à diversis patronis, aliis alio est notabiliter dignior, non est locus gratificatione; sed tenetur tunc (etiam sub mortali, ut exp̄s̄ Vivian. de jure patronatū. l. 16. c. 9. num. 5. apud Corrad.) instituere digniorem. Pirh. loc. cit. Corrad. l.4. c. 6. num. 51. Barb. loc. cit. nu. 200. Roch. v. honorificum. q. 15. Azor. p. 2. l. 6. c. 22. q. 14. Lopez. &c. quos citat & sequitur Castrop. num. 3. Argumento c. ss. fortè. d. 53. ubi præcipitur Metropolitanus præferre electionem dignioris; non ob alias rationem, quād quia maximè decet, ut in jure aequali electionis præferatur is, qui Ecclesia urilius & convenientius est; quā ratio, cūm in institutione aequaliter locum habeat; idem de ea affirmari debet: contrarium sententibus Jo. And. Host. Cardin. & aliis in cap. cūm autem, apud Castrop. eā nixis ratione; quod neque jure positivo, neque naturā obligatur ad hoc institutor: non

jure positivo; quia id nullib⁹ cautum in eo reperitur; citatus autem textus c. ss. fortè. loquitur tantum de electione Episcoporum: non naturā, quia ex majore vel minore dignitate non competit præsentatis jus aliquod speciale ad beneficium. Quod si tamen idoneus magis idoneo prælatus fuerit & institutus, tenebit institutio, magis idoneo tamen non appellante. Corrad. num. 52. citans Ror. Porro non statim censendus dignior, qui sanctior & doctior; sed qui juxta munus & rem, cui præficiendus est aptior. Corrad. cit. num. 52. ex Vivian. loc. cit. sic quod dignoscendum hanc maiorem dignitatem qualitas originis debet præferri extraneo, & diœcesanus non diœcesano magis idoneo. Corrad. loc. cit. num. 54. citans c. nullus. & ibi Gl. d. 6. t. Mandol. ad reg. 16. q. 43. n. 3. Marc. Anton. Variar. resol. l. 1. resol. 104. n. 2. &c. & quod portius oriundis, quād externis conferenda sint beneficiis, air Covar. q. præt. c. 35. num. 5. Paris. de resign. l. 4. q. 7. num. 1. Gonz. ad reg. 8. gl. 9. §. 1. n. 37. &c. apud Corrad. item præferendus actu sacerdos non sacerdoti, maximè, cūm Capellania habet annexum onus legendi missas; et si enim ea per hoc non fit sacerdotalis (possunt enim missæ illæ legi per alium) reddit tamen illum magis idoneum præ non sacerdote. Corrad. ibid. ex Vivian, ubi ante num. 9. & Garc. p. 7. c. 9. num. 11. Item pauper præferendus diviti, præfertim si pauper sit nobilis. Corrad. num. 53. ex eodem Viviano. Præferendus tamen dives pauperi, ubi Ecclesia debitum onerata. Corrad. ex Vivian. & Barb. alleg. 72. num. 205. siquidem ut gl. in c. constitutus. vi. impositam. de appell. per manus divitium Ecclesia sustentantur, & augentur; à Clericis pauperibus sape spoliantur, pro sublevandis eorum familiis; & ut gl. in cit. c. ex literis. de pignore, bona prælati sunt hypotheca Ecclesie, si male administrabit; & in prælato paupere Ecclesia caret refugio talis hypothecæ; Quas glossas refert Felin. in c. ad aures. num. 1. de scriptis. Item præferendus est, qui est de linea fundatoris, et si id fundator exp̄s̄ non requirerit. Corrad. loc. cit. citans c. bona. de postul. & ibid. Abb. in præl. & Vivian. ubi ante. num. 11. & citatam ab eo Rotam in Romana Capellania. 15. Jan. & 15. Martii 1564. Item ceteris paribus potens præferendus est impotens; quia melius potest Ecclesiam conservare. Corrad. n. 55. citans Gl. & Abb. in c. constitutus. de appell. Itē præferendus non beneficiatus beneficiario (maxime stante decreto Trident. sess. 24. c. 17. quod singularis personis singula sint conferenda beneficia) etiamli beneficiatus talis paratus esset petere dispensationem super pluralitate beneficiorum; cum ille magis sit idoneus, qui nō eget quād qui eger dispensatione. Corrad. n. 56. & n. 57. citans Decimum conf. 54. n. 14. & Seraph. de c. 767. n. 1. & nō eger dispensatione sit habilius de jure communi; egenus autem dispensatione per viam dispensationis & privilegii potentius autem sit jus commune, quād privilegium. Corrad. ibid. n. 54. citans Vivian. in c. 9. n. 29.

4. Quā cūm ita sint, debet Institutor præferre præsentationem magis rationabiliter factam; cūm gratificatione sit facienda cum judicio rationis; ac proinde attendere debet & cogitare, meliore electionem seu præsentationem debuisse & potuisse facere clericum, quād laicum; Corrad. ibid. ex Lamb. p. 3. l. 2. a. 17. n. 6.

5. Denique hic observandum ex eodem Corrad. n. 57. & seq. circa hanc gratificationem, sape haberi recursum ad sedem Apostolicam; ex parte illius, qui scit

fit se præsentatum à medietate patronorum, periendo ab eadem Sede provisionem cum derogatione pro altera medietate (si enim orator non expresserit præsentatum esse alium à medietate, provisio Apostolica erit nulla) cùm clausula præservativa juris tertii: dummodo tempore data præsentum non sit in eodem beneficio alterius quæsum: quod si autem ante obtentam gratiam Apostolicam alter ex præsentatis à medietate esset institutus, & gratificatus ab Ordinario, perinde esset, ac si solus fuisset præsentatus, unde posterior provisio apostolica obtenta ab altero præsentato ab altera medietate ei non suffragetur.

6. Observandum eriam ex eodem n. 59. hujusmodi gratificationis negotium locum non habere in beneficiis liberae collationis; dum illa esset similitudine Episcopi & Capituli, vel inter alios, & casus daretur, quod Episcopus unius capitulum alteri contulisset; tunc enim neutra valerer collatio ex eo, quod ad invicem se impedirent; ut Gonz. ad reg. 8. gl. 45. n. 58. de quo vide Corrad.

*Questio 194. An, & quando Institutor possit instituere alium à præsentatis?*

1. Respondeo primò in genere: non posse Episcopum legitimè facta præsentatione idonei, vel idoneorum non præsentatum instituire; seu ei liberè conferre beneficium, constat ex saepè dictis.

2. Respondeo secundò in specie: si duo sint à diversis patronis præsentati, nec apparcat in præsentatione inæqualitate, non posse adhuc tunc Episcopum instituere tertium aliquem, tanquam probabilis tradit Castrop. loc. cit. n. 4. contra Sylv. v. jus patr. q. 8. Vasq. Opus. de benef. c. 2. §. 1. dub. 5. n. 16. Azor. p. 2. l. 6. c. 21. q. 19. censentes contrarium, eo, quod nullo jure cogatur Episcopus instituere alterutrum ex præsentatis cùm patroni in præsentando non sint concordes, quorum sententiam reputabimur Lefsi. loc. cit. n. 33; rationem dat Castrop. quod, sicut in Electione non potest contempnere electos, & alium non electum confirmare, ut constat ex c. si forte. d. 63. ubi committitur Metropolitanus in pari electione præferre digniorem, & cavetur fieri ordinatio illius, qui non fuit postularius; sic etiam non possit præsentatos contempnere, & alium non nominatum instituere ob eandem rationem; ne scilicet populus beneficiatum non optatum contemneret, aut oderit; Idem cum Castrop. tenet Pirh. de jure patr. n. 100. hoc etiam addens, siue præsentati à qualiter sint & quæ digni, siue unus altero dignior, adhuc non posse institui tertium intra tempus à jure datum ad præsentandum; quia quamdiu hoc tempus elapsum non est, non devolvitur collatio ad Episcopum; sed debere moneri patronos, ut varient; Quod si patroni constituerint, ab initio præsentim, sub juramento, se non variatueros, nec alium præsentaturos; eo quod tunc tali conventioni contravenire nequeant, posse Episcopum instituere tertium, etiam si datum tempus ad præsentandum non sit adhuc elapsum; verum ut dictum q. præcedent, alio nimirum quod talis præsentatio facta in discordia cum paritate votorum non sit valida.

3. Respondeo tertio: posse tamen Episcopum beneficium conferre liberè tertio, dum ex duobus legitime & æqualiter præsentatis alterum præelligere nequit sine scandalo. Lott. l. 2. q. 6. n. 27. juxta c. quoniam in quibusdam, quod tamen intelligitur non de scandalo simplice seu lite, neque de scandalo juris;

sed de scandalo facti, & quidem atroci, & cui Index occurrere nequeat; Lott. ibid. juxta declaracionem Lapi. alleg. 78. n. 15.

*Questio 195. Quis institui debeat ex pluribus, siue simul siue successivè præsentatis inæqualiter, hoc est, non habentibus pariæ patronorum suffragia?*

1. Respondeo præsentatus à pluribus, si habilis est, debet præferri aliis, & institui. Lott. l. 2. q. 11. n. 132. Lefsi. l. 2. c. 34. n. 33. Corrad. l. 4. c. 6. num. 44. cum communī iuxta c. quoniam de jure patronatus, proceditque id ipsum, etiam si præsentatus à minore parte patronorum, haberet majores qualitates, seu esset magis habili præ præsentato à maiore parte. Lott. ibidem. citans Lamb. l. 2. p. 3. q. 4. a. 1. Garc. p. 9. c. 2. n. 257. Gutier. qq. can. c. 11. n. 20. & Rotam. in Pamplon. Parochialis. 26. Juli. 1626. Unde & præsentatus à maiore parte patronorum solus debet subjici examinationi. Lott. ibidem. n. 133. juxta eandem Rotæ decis. in qua declaratum, in justè processissi Ordinarium stante inæqualitate votorum, qui utrumque præsentatum jussit examinari.

2. Respondeo secundò in specie: si duo sint patroni, clericus & laicus, uterque præseveravit. Titulum, laicus paulo post variat, addendo Cajum, Titius est instituendus; quia habet suffragium & à clericico & à laico patrono, Caius à solo laico. Pirh. ad tit. de jure patronatus. n. 100. Castrop. cit. p. 9. n. 6. citans Abb. in c. cum autem de jure patronatus. n. 4. Tiraq. de primog. q. 17. opin. 2. l. n. 5. Barb. p. 3. de pot. Ep. al. leg. 72. n. 166. & 198. Procedit id ipsum, etiam si præsentatus à laico & Ecclesiastico sit minus idoneus, quam alter præsentatus à solo laico; quia non ex dignitate præsentati, sed ex præsentatione ipsa jus acquiritur: dignitas autem spectatur maximè, dum in præsentatione est æqualitas. Castrop. loc. cit.

3. Respondeo tertio: præsentatus tamen habilis à minore parte præferendus est, & instituendus præsentato inhabili à maiore parte; eo quod hujus præsentatio perinde habetur, ac non fuisset facta; Corrad. l. 4. c. 6. num. 2. citans c. dudum. de elect. & ibi. Abb. ult. notab. & Roch. h. t. v. honorificum. q. 16. n. 34. & Rot. decis. in una Pamplon. beneficii. 13. Ian. 1591. quam recitat Garc. p. 9. c. 3. n. 88.

*Questio 196. Quid si præsentetur habens jam beneficium incompatibile cum eo, ad quod præsentatur?*

Respondeo: illum non posse institui à Superiori (intellige, nisi prius dimiserit) sed deber illum Superior habens jus instituendi remittere ad Sedem Apostolicam pro utriusque beneficii retentione. Nec obstat, quod jura loquuntur hac in parte solum de collatione, quæ debet esse libera sine conditione; ne cùm certum sit, idem esse in institutione, quæ in hoc pari passu ambulat cum collatione. Corrad. l. 4. c. 6. n. 28. citans Roch. & Rotam.

*Questio 197. Quis instituendus, dum unus præsentatus est ab existente in quasi possessione præsentandi, alter autem à proprietario; unus à pupillo, alter à tute; unus à marito, alter ab uxore?*

Respondeo ad hoc responsum satis supra, ubi accutum, ad quem spectet jus præsentandi.